

東華續錄

同治朝

卷二十一之二十三

第七冊

夏四月丁丑朔沈葆楨奏自二月二十五日許村礮石之賊分竄藍田胡村山坑一帶道員王文瑞飭副將鄧榮達卽隊助防該逆分路進犯鄧榮達等開礮斃賊甚夥賊卻而復前總兵丁長勝督兵分鈔極力衝突賊遂被擊追數十餘里賊三四百名攔生擒賊供僞裏王劉官方僞總統天將劉官幅各率萬餘人由廣德甯邑而來昨從許村各處竄至藍田一帶欲攻破漁亭由藝宜江旋聞賊眾屯踞五擊橋西小溪口又有由九鞏橋渡河者我軍潛伏不動已午之交鄧榮達等出其不意突出街口丁長勝督隊鈔擊後路賊眾倉皇失措紛紛投河丁長勝等合力掃蕩沿途賊屍枕藉逆首劉官幅經外委謝聘賢矛刺墜馬擒之旋自觸石而死計殺斃溺斃賊匪約三千餘人生擒悍賊二百六十三名旗幟七八百桿洋礮槍糧槍各數十件僞裏王劉官方等復糾合僞對王洪春元僞顧王吳如咭等分踞鄠縣各鄉由虎嶺分擾柏溪等處距郿城二三十里王文瑞密令防祁五營分路潛出並飛飭丁長勝等向小嶺橫鈔會商皖南道葉兆蘭調勇五百餘名繼進先由長里衝柏溪之中斃悍賊數十名賊漸分隊包鈔適噶勝榮從金字牌一帶擊敗零股繞出柏溪之右翟瑞山由畢家亭鈔出柏溪之左楊海泰由長里出白塔郭德壽由板溪出小柏溪同時並至五路會擊賊大潰亂我軍追過虎嶺復斃賊千餘名臣仍飭跟蹤追剿以防竄越又奏竄撲屯溪草市之賊爲繼果營擊敗退竄若嶺旋有賴逆大股由巖寺街擾及徽郡之西逆首劉姓分踞離屯溪二十五里之長林許村一帶劉典統軍進抵屯溪會商王沐進剿甫抵巖寺街卽見賊巢火發楚軍向街頭衝突王沐揮中右營從街腰橫入前左營擊散伏賊由街尾竄塔灣包鈔截殺巷戰逾時斬斃無數賊過橋而遁見探該逆欲糾旌太各股再到草市決戰如不得逞卽走池州等情其青陽分竄東流延匪爲沿江礮船所擊併歸建德會建德羣酋分三路入江其大股從陳家衝擾石門街窺饒州者爲中路該逆搭造浮橋赴上下游分路過河練勇力弱未能迎敵遂退至童子渡三月初九日韓進春前隊抵陶家渡該逆未敢徑進卽於石門洋溝一帶築壘十一日官軍進至許田橋遇賊千餘人奮力衝擊陣斬數十名賊卽敗退其一股由秧田坂擾挑樹店窺景鎮者爲左路由太湖盤村東竄與祁門賊合其一股由東流之香口擾彭澤縣窺湖口者爲右路疊被圍練擊殺甚多湖口縣城經督臣曾國藩飛飭副總兵萬泰嚴守該逆無隙可乘遂東併石門大股合力窺饒見在大田埠等處偏地賊蹤據生擒賊供沿塘河者已三四萬人逆酋黃汶金胡鼎汶李遠繼均在石門一帶建德後路向有僞尤王僞蕭王等眾均約期會攻饒州等語臣飛飭韓進春拔隊進剿並飭段起派定四成隊如前途有急卽令遊擊劉勝祥統之進援屈蟠已到樂平王德榜已到浮梁各渡口饒防尙屬穩固臣

復添派處字營馳防都昌仁右營填紫貴溪以杜旁竄並飛咨湖南撫毛鴻賓等飭道員席寶田迅統所部來江相機協剿至皖南一帶祁門軍情日緊繼果營王沐已由草市前赴漁亭助防草市一帶經劉典派營照料皖北賊勢猖獗鮑超援江之師已改旆北渡扼守無爲州矣 上諭議賊王軍機大臣等江西道員王文瑞駐防祁門在漁亭疊次獲勝雖有斬擒賊未大創著沈葆楨督飭該道等相機進剿將祁縣各鄉踞匪力圖掃蕩無稍鬆勁徽屬之康寺街防軍屢勝據探報該逆見欲糾合旌太各股再到草市決戰如不得逞卽改走池州等情著左宗棠沈葆楨飭令劉典王沐等將徽州附近各鄉鏢匪股分投剿洗以期一律肅清如該逆糾大股來犯務當激勵各軍痛加剿除無任竄犯其由彭澤湖口敗竄之賊東併石門大股合力窺伺見在大田埠石門街等處賊蹤遍地逆酋黃汶金等欲糾合偽尤王等會攻饒州沈葆楨已飛飭韓進春等拔隊進剿並飭段起等軍進援布置甚屬周妥著卽嚴飭各軍以剿爲防保固完善地方勿令匪蹤深入腹地江省團練亦頗得力該撫仍當激勵地方紳團補助官軍之不足席寶田一軍已由湖南啟行本日已諭令毛鴻賓催令迅統所部赴江該撫卽派員迎提令其扼要駐紮以資得力逆匪不能逞志於皖必將上竄江西恣意蹂躪沈葆楨身任封圻責無旁貸於本省兵力不敷仍隨時與曾國藩左宗棠籌商調派勿致稍有疏失是爲至要將此由六百里各諭令知之○諭前因平瑞奏擬開地利以濟餉需並移營裁兵各摺片當交該政王軍機大臣會同該部妥議具奏茲據奏稱烏魯木齊學生及各營馬廠地土肥沃該都統所籌擬令商戶人等開墾當年升科並古城濟木薩瑪納斯等處羣生馬廠及各處閒荒曠土各營馬廠騰出地畝逐細丈量招戶承領察看可以布種者自本年爲始照例升科並請飭伊犁將軍葉爾羌塔爾巴哈台各參贊大臣將伊犁各城一律辦理具歸併馬廠及巴里坤移營裁兵均准照辦令該都統等妥議章程覆奏等語烏魯木齊牧馬廠地土原肥饒地面寬曠見經平瑞將該處開曠地畝招戶開墾升科並將古城濟木薩瑪納斯等處羣生馬廠歸併巴里坤廠內騰出地畝一併開墾升科以充兵餉實係經久良圖且應實力經營以裕經費所有清楚段落界限彈壓稽查及豫防拋荒拖欠等弊均著該都統督飭員弁詳細辦理其馬匹選用挑運及運費銀兩數目均著分晰咨報戶兵二部以備查覈所有商戶人等領馬交價等事並著平瑞密訪詳查毋令委員擅價抑勒致滋擾累其以屯地分給屯兵及裁減綠營兵額遇缺扣畱之處亦係爲節省經費因地制宜並著照所議辦理仍著將裁減扣畱名數隨時報部所有未盡事宜平瑞卽會商文祥文永妥籌章程具奏已呈奉地方將苦兵食維艱該都統擬將滿營兵丁酌畱三百名其餘七百名俱遷移於糧多兵少之區該營兵丁亦宜爲減該處形勢是否宜控飭滿營兵應遷駐何地該營官兵等處文祥文永會同文

應裁數目若干均著照舊常清平瑞商酌歸入該都統安議章程內詳細具奏至新疆南北各城官俸兵餉需用甚多近來內地軍務未平經費勢難接濟各該城地方幅員甚廣不乏閒曠沃壤自應亟籌開墾以濟餉需著常清景廉錫霖於所屬各城孳生暨營馬厰地及閒荒地畝內一體履勘查明報墾以實邊儲該將軍等務當通籌全局開源接流為國家力圖久遠之謀不得以無利可興藉詞推卸以空言覆奏了事議政王等摺片均著鈔給閱看將此各諭令知之○戊寅諭內閣前因御史吳台壽奏陳勝保獲罪一摺荒謬誕妄肆無忌憚實為臺諫中卑鄙無恥之員惟因勝保案情尚未審明未經降旨將該御史懲辦茲據御史劉其年奏稱吳台壽朋黨撓法飾詞挾制並稱伊兄吳台朗貪緣入勝保軍營保至道員花翎招權肆惡中外皆知吳台壽效命私門甘心鷹犬各等語所論該御史挾私誣罔各情朝廷早經洞悉諒大小臣工亦無不知其奸詐吳台壽甫陞御史即敢肆意妄為將來伊於胡底著即行革職山東候補道吳台朗本係因案革職之員復貪緣勝保軍營招權肆惡此次吳台壽挾私呈奏其為感激私恩已可概見吳台朗著一併革職拔去花翎以為貪緣朋比者戒近來科道中因朝廷詔求直言隱惡揚善遂有譏聞忠良袒庇私人冀圖獎惑者殊不乏人該科道以諫為職宜如何正直剛方指陳得失何得巧為嘗試顛倒是非朝廷格外優容不加譴責該科道等清夜們心能無自愧乎經此次訓飭之後務當各矢公忠遇事直陳不得稍存私曲亦不得緘默自容用副厥職至勝保罪案見派王大臣等公同審訊自必權衡至當用協於中無俟揣測為也將此通諭知之○唐訓方奏苗沛霖居心狡詐怙惡不悛前次張落刑伏誅後該逆懼於軍威稟請散練歸農彼時叛逆尚未顯露不得不暫示寬宥乃自信格林沁統軍北上該逆復以姜台凌投誠被戮等詞搖惑眾心糾集黨與襲攻蚌埠水師營盤經參將張得勝率隊迎擊斃賊多名詎逆黨潛入懷遠縣城突起占踞城土徧插苗練旗幟安設砲位公然背叛並分黨進佔蒙城圍攻壽州情形甚為緊急伏思苗逆蓄謀數年各圩練眾聽其驅使積儲糧食甚為充足此次四路軍事較之從前勢更囂張若不厚集兵力迅圖撲滅恐其勾結髮逆蔓延愈廣為患不可勝言見在馳回臨淮調集各軍相機堵剿可否請旨飭令信格林沁移軍南下會合皖軍四面兜剿以期永除巨患至懷遠縣知縣英俊雖未聞營先逃而於逆匪踞城漫無覺察實難辭咎應請即行革職署鳳臺縣知縣蔡鏗事前既不知防範事後又擅離職守應請革職永不敘用以示懲儆其張建猷鄭長青苗憚開苗添聲苗希年童維翰袁有功張士端張誠心王金奎金汝霖苗長春等十二名皆係苗逆黨與從前應保官階應請飭下吏兵二部查明一併革職儻能悔過自新檢斬苗逆再行懇請恩施准予開復懷遠縣典史魏文潮力竭被戕慘罹鋒刃應請照例議卹上諭前據信格林沁唐訓方奏稱自檢獲逆首張落

刑等蒙辜等處地方肅清被脅各圩恐皆歸正並稱苗沛霖面稟唐訓方訂期散練歸農當以皖北地方被捻髮各匪蹂躪十年小民流離失所因降旨蠲免錢糧二年並飭地方督撫招集流亡以資生聚庶幾出吾民於水火之中而登之衽席明知苗沛霖罪在不赦但能散練歸農亦不咎其既往以示寬大之恩俾吾民不至再罹鋒鏑乃茲據唐訓方奏稱苗沛霖怙惡不悛叛逆復著襲攻蚌埠水師營盤占踞懷遠圍攻壽州請飭四面兜剿等語苗沛霖以練總權至道員復因暗受偽職竊踞壽州革職治罪上年因官軍追剿陳玉城該練長懾聲威誘擒首逆免其查辦復經僧格林沁開誠相待賞給餉銀該逆稍有人心受此天高地厚之恩自當沒世不忘乃敢因大軍撤退之時煽惑愚眾圖襲營盤占踞城池如此反覆無常梟獍其性實屬反覆情所不容若再稍事姑息何以振綱紀而安閭閻本日已諭僧格林沁由山東統帶馬步馳回安徽進剿並著曾國藩李續宜吳棠唐訓方各撥重兵四面兜剿殲厥渠魁用彰天討懷遠縣知縣英俊雖未聞警先逃而漫無覺察咎實難辭著即革職署鳳臺縣知縣蔡錫事前既不知防範事後又擅離職守著即革職永不敘用其苗逆黨與張建猷鄒長青苗懷開苗添磐苗希年童維翰袁有功張士瑞張誠心王金奎金汝霖苗長春等十二名著吏兵二部查明從前所保官階即行革職儻能悔過自新檢斬苗逆方准開復懷遠縣典史魏文潮慘罹鋒刃殊堪憫惻著交部照例議卹苗逆陰鸞殘殺小民被其偏脅並非甘心附從著唐訓方出示曉諭其新經投誠各圩如能同心協剿或竭力固守均准擇尤獎勵其被苗逆僞從各圩深明順逆自拔來歸者亦當妥為安撫毋令失所儻始終甘心從逆抗拒官軍者即著督軍痛剿毋任漏網以示除暴安良至意○諭議政王軍機大臣等唐訓方奏馳回臨淮調集各軍堵剿苗練一摺據稱苗逆襲攻蚌埠經參將張得勝迎擊獲勝逆黨麇集懷遠縣城插旗安礮復分隊進倡蒙城圍攻壽州該逆蓄謀數年練多餉足此次四路舉事較前勢更踴張等語苗沛霖心懷叵測反覆無常朝廷因軍務方殷勉事羈縻早知其不可久恃頃因僧格林沁督師北來該逆遂以姜台渡投誠被戮等詞搖惑眾志竟敢襲踞城邑抗拒官軍亟宜聲罪致討以申國憲而除巨患前據僧格林沁奏謂齊微位進攻淄川葭爾縣城不難攻拔如相持尙需時日則淄川一邑似不足足制大軍該大臣能否將攻取淄川事宜妥速布置酌量兵勇交譚廷襄督攻該大臣即督率馬步各隊返旆南征即著酌度機宜權衡緩急迅速辦理該逆屢降屢叛無端倡亂名不正而言不順部眾攜貳誠信格林沁軍至蒙亳該逆黨勢必瓦解土崩如該逆被剿勢窮詭詞求撫僧格林沁當一意拒絕斷不可為其所搖致貽前車之轍李續宜計已行抵皖境著即星馳前進與曾國藩安速籌商由舒六直趨壽州止陽力扼西南乘勢進剿唐訓方固守臨淮要隘毋令東竄仍飭令馬新貽等就近曉諭新撫各圩毋為苗逆所迫

督並將本日發去明發勦辦苗練諭旨於各處宣示張貼如有殺賊立功於賊首逆者該王大臣等即隨時奏請破格獎勵俾反正者益堅其志而被脅者不至甘心從逆則勦辦自易得手苗沛霖詭譎伎倆見值髮逆擾及皖北或與之暗中勾結或因李世忠撤去幫辦唆令起事均未可知著曾國藩速飭各營員弁嚴密防範仍遵前旨密察李世忠動靜相機辦理苗練赴清淮捆鹽往來絡繹此時苗沛霖公然背叛其捆鹽練眾曾否撤回著吳棠確切查明嚴拏懲辦並檄飭水陸各營及徐宿各軍以備不虞賴毫一帶在在與豫境毗連張之萬毛昶熙務當豫撥勁兵嚴防邊境並飭各該地方官督率兵勇激勵鄉團防剿兼施勿使該練眾得以竄越袁甲三回籍時所帶練勇千名見在是否仍畱陳州何員統帶著張之萬毛昶熙妥籌調撥扼要守禦直隸股匪見難渡河而東而大順廣等屬伏莽尚多所有恆齡馬隊即著畱於劉長佑軍營撲捕餘匪如察看沿河各要隘布置已定即飭恆齡等督帶所部渡河會同東省各軍剿除竄匪譚廷襄亦當嚴飭保德等併力兜剿毋再觀望遷延致干重咎其劉長佑所調李明惠等統帶之後起各勇並著該督飛催來直以資調遣僧格林沁所部馬隊本不甚多此次攻剿苗練必須厚集兵力著該大臣即飭蘇克金一軍迅速折回蒙亳以便調遣壽州米糧軍火均極絀乏唐訓方著理撫兼責無旁貸並著設法運解以濟急需唐訓方摺著鈔給僧格林沁張之萬吳棠閱看將此由六百里各諭令知之○諭前據閩敬銘奏起程赴東當經諭令迅速赴任復據毛鴻賓奏臬司丁寶楨募足勇丁千名由水路前赴湖北改由陸路赴東此時諒均已起程在道矣山東捻教各匪疊次肆擾淄川縣城爲團匪劉德培等所踞而東昌降匪復嘯聚直隸山東交界處所肆意焚掠軍務處處喫緊僧格林沁督率北上剿辦正當得手而苗沛霖於該大臣離皖之後又復糾眾占踞懷遠縣城公然分道犯順不得不令僧格林沁權其緩急移師南下惟山東軍務緊要該省既無得力之兵又無知兵之將譚廷襄交卸在邇尤恐呼應不靈閩敬銘簡署山東巡撫日久尚未到任該省設有疏虞大局何堪設想著懷遠疊次諭旨兼程前進接印任事將一應事宜趕緊布置妥協迅速馳奏先慰廑念丁寶楨所募勇丁定能得力前已據報啟行者即星速馳抵東境遇賊即擊務將各股匪次第剪滅俾東省早就廓清方爲不負委任將此由六百里諭知閩敬銘並傳諭丁寶楨知之○諭穆騰阿等奏旗營官兵自上年月餉不繼餓殍相望請旨迅飭瑛榮速籌接濟等語西安旗營兵丁缺餉日久因飢殞命者不下二千餘人覽穆騰阿所奏情形實堪矜惻見在省城防守緊要豈忍令荷戈殺賊之人飢餓垂斃至於此極著瑛榮恪遵疊次諭旨督同司道等迅速籌款源源接濟務令士飽馬騰不得再有遲誤致干重咎至回匪詭詐百出一經官軍剿辦每以卑詞乞撫冀緩我師瑛榮從前曾有不可主撫之議此時回氛方熾省城糧運未通瑛榮擁兵不

爲不厚務當督飭將士認真剿賊疏通糧道不得株守省垣一籌莫展妄冀回民就撫而以同弁等爲腹心致蹈滇南覆轍也將此由六百里諭令知之○諭明緒奏塔爾巴哈台回民聞陝甘回匪滋事疑懼謀亂經明緒傳令回民掌教石金斗等明白開導該回民均各遵服照舊安業各等語新疆地方回種極多明緒於弊端初生即能設法解散消患未形辦理甚是掌教回子石金斗鄉約陳生福海玉珍等勸導出力著照明緒所擬分別給與頂帶以示獎勵嗣後仍著該大臣不動聲色彈壓撫綏毋稍疏忽前因陝回構釁往往時造洗回謠言冀煽同類曾明降諭旨令帶兵官及地方文武務分良莠不分漢回於抗拒滋事者盡法剿滅安分守業者妥爲保護以示一視同仁至意西域萬里恐尚未接奉此旨茲令軍機處鈔錄二分發交常清明緒於伊犁塔爾巴哈台等屬刊刻謄黃偏行曉諭以安反側將此各諭令知之○己卯諭議政王軍機大臣等張亮基奏督師擊退遵義桐梓等縣各匪並出示免抽釐穀一摺另片奏飭令田興恕前赴四川聽候查辦等語貴州民氣彫敝已極而吏治亦甚廢弛各軍營將士奮勇打仗者雖不乏人而黃白號匪及苗教各匪總未能剋日肅除張亮基接署撫篆急應振刷精神力圖整頓著即飭沈宏富等迅將螺螄堰逆匪各營掃除淨盡激勵帶兵員弁次第將上下游踞匪一律削平以期綏靖巖疆永除後患屬吏中材能出眾悃悃無華者自當隨時保奏如有貪劣不職各員即著據實嚴參以肅官常而甦民困至黔省庫欸蕩然而兵練噉噉待哺若將各屬應派兵糧釐穀等欸概行豁免轉恐軍需無出而接括太甚又恐民力不支惟在該署撫慎選良吏輔以公正紳耆妥爲抽收無苛派抑勒之弊庶剿賊撫民兩有裨益至道員張心培謝葆齡冷超儒錢登選被劾各欸與殺害教民之案兩不相涉自應分別查辦著即查拏張心培謝葆齡到案提集趙畏三冷超儒錢登選等將以前被參各欸蹟逐一審訊並將教民呈訴之開州青崖兩案提集戴鹿芝趙畏三等秉公審訊勞崇光由川赴黔計日可到張亮基先行審有頭緒一俟勞崇光抵省即迅速會商奏結俾免教民曉濱據張亮基奏田興恕即日遵旨赴川想沿途不敢逗遛著駱秉章於到省時飭屬妥爲約束靜候查辦雲南省城漢回情形著駱秉章張亮基就近偵探隨時奏聞將此由六百里各諭令知之○諭張凱嵩奏貴縣各軍進逼登龍橋剿賊獲勝並慎重邊防嚴遏石逆竄越各摺片貴縣黃逆阻險負隅日久稽誅自劉坤一啟行後沿途偵探確實分兵縱擊進逼登龍橋賊巢殺賊無算亟宜乘此聲威力圖掃蕩惟賊眾且悍黨與甚多黃逆被剿勢蹙必將糾約逆黨拌死來援著張凱嵩飭令劉坤一嚴督調派各員弁先將盤踞龍巖嶺底各股匪剋期殲除斷賊援應方可以全力剿賊老巢不至有牽掣之虞駐紮荔浦各軍即著催調到營與各軍會剿以厚兵力石逆分股竄擾黔蜀之間餘黨復擾及歸化貞豐一帶與廣西泗城府之西隆州邊境毗連著張

凱高嚴飭該府州會同營弁督飭紳團於黔蜀交界先事布置確探嚴防俾免竄越以固邊圉將此由五百里諭令知之○
庚辰曾國藩彭玉麟楊岳斌奏蕪湖金柱關水陸各營自去秋以來戰爭不休逾十一月間侍逆糾悍賊數萬人敵船數百
號突出東廟將犯金柱關分竄蕪湖曾國荃派武明良一營馳紮東梁山朱洪章兩營馳紮龍山橋以爲聲援三月初八及
十三十五等日金柱關守將羅逢元朱南桂截賊於花津上駟渡萬頃湖壘有新擒十七日賊之由陸路來者白至魚壩左
至太平府由水路來者已由三汊河環偏我營朱南桂等督軍出擊焚燒四船賊始奔北二十日賊復犯三汊河營寨並用
飛划登岸勢更洶湧朱南桂等率隊搏戰追及河干萬化林等水營並督船數十號斃賊千計水陸各營以該逆屢來西
岸未得一逞不若我軍東渡擊之二十六日夜朱南桂等整旅渡河分道疾進朱南桂令謝大洲先起上駟渡以截青山後
路而自領所部進次卿家橋有一卡梗道我軍猝不得前忽水師萬化林等已自下游飛漿而來面面環擊朱南桂卽飭潘
泗知等躍入卡內駢戮無遺羅逢元一枝正攻涂家渡二壘未下適朱洪章從青山鈔來武明良亦帶隊起至環壘奮擊賊
無一得脫者其西岸一卡一壘亦卽攻破自有此捷賊兩月踞伏不出意謂防務可以少休不料賊之窺伺愈深蓄計愈狡
乃繞竄梅塘菁以上在新圩角搶渡朱洪章輕騎馳往一擊敗之羅逢元派兵伏於花津之下而與朱南桂進次薛鎮賊堅
守不出各隊繞壘而攻水師以巨礮傍隄轟擊賊棄壘竄至花津牛爲伏軍所殺遂由新圩角來撲朱洪章整軍出關不期
另股由萬頃湖渡過鈔我卡後朱洪章撤隊急退已層層包裹朱南桂帶隊馳援重圍始解而弁勇已多損折賊猶疾如風
雨猛撲不休朱南桂派彭維祥堵河邊一路向世驥堵陶家灣一路仍自帶親兵衝入查家橋街中苦戰逾時羅逢元等分
路截擊乃能轉敗爲勝羅逢元等復密約蕪湖防兵周萬倬等水師乘賊屢挫其籌再舉分路並進行至萬頃湖邊見浮橋
一道環列賊壘十五座賊卡賊棚延亘十餘里羅逢元等督隊過橋直搏賊壘周萬倬等沿河繞擊彭楚漢等復縱焚賊棚
爭拔地鉞蟻附而上悉破卡壘按剿至上駟渡以歸賊以小股排列梅塘菁查家灣對岸而以大股由新圩角過河專撲朱
洪章營卡時李祥和來自金陵率師助防新圩角甫至該處有長勝營守卡哨勇先經挫退李祥和與古振各營悉力堵禦
且賊且走退保老營羅逢元等聞警一面飛商彭楚漢等水師來援一面自簡精銳倍道進發羅逢元由陸公壩繞河而上
朱南桂朱寬義由霍木山前進行未數里彌望皆賊遂分四路衝入賊乃大潰我軍追至新圩南河邊水師彭楚漢等亦自
梅塘菁追賊而至一鼓蕩洗餘賊盡溺於河先是周萬倬吳坤修兩軍剿賊於南新圩等處進踞四圍該處近偏蕪湖不能
專恃陸師乃令任星元等移師船於清水河爲之倚護正月二十三日賊竄至三里埂沿河而下距蕪湖不遠任星元等沂

流迎擊王三錫登陞督戰右脅中槍仍揮兵衝突將賊擊退二月初四日灣沚踞賊將犯清水河萬化林等乘夜駛船潛往方然礮轟發適寔營新破西河之賊派船從清弋江下駛合力猛攻更於晨霧中分水勇爲旱隊在街口積薪焚之賊不及防急遽無措出巢紛竄我軍遂收復灣沚一隘旋值河水漲溢萬化林等進攻三里橋賊壘朱洪章等亦率陸軍來會賊焚壘宵遁退併黃池石壘之下該逆自恃岸峻壘堅列礮以待任星元等奮力仰轟左光培登岸與水面戰船學擊夾擊各賊驚潰我軍立復黃池鏡平石壘朱南桂等陸師會約彭楚漢等水營亦於次日進破伏龍橋護駕墩花津賊巢擒斬甚夥賊遁往金寶圩溧水丹陽一帶等查蕪湖金柱關兩城隘爲江界要衝又爲金陵各營後路上年賊蹤環伺諸將士五旬苦戰幸獲保全今又屢卻逆氛運克灣沚黃池以通甯國蕪湖之氣實屬始終不懈所有陣亡各員弁另開清單請卹在事出力人員可否彙入前次案內查明奏保以資鼓勵出自 聖恩 上諭內閣此次水陸各軍在蕪湖金柱關一帶累月苦戰攻克三里埂黃池伏龍橋護駕墩花津各要隘擒斬甚多在事出力員弁著曾國藩等彙案保奏以示鼓勵○諭議政王軍機大臣等張之萬毛昶熙奏苗逆舉兵背叛戕官踞城請飭僧格林沁回軍剿洗並鈔錄偏示呈覽一摺前因苗沛霖叛迹顯著業經明降諭旨聲罪致討令僧格林沁酌度機宜回軍蒙毫迅速剿辦並令張之萬毛昶熙嚴防邊境本日據張之萬等奏稱豫省邊防緊要各兵不敷調撥請飭僧格林沁回軍由歸陳一帶痛加剿洗即著該大臣酌量緩急應由何路進兵務須先其所急力掃兇鋒不爲遙制壽州穎上等處是否已被占踞地方官被戕如何情形未據唐訓方奏及著該部撫詳細查明具奏並著懷遠前旨固守臨淮要隘聯絡新撫各圩俾知感奮出力以孤苗黨之勢仍須保固完善以待大軍會剿不得任其蠶食肆意滋擾張之萬已添募馬步兵勇並抽調數營進紮太和歸德如有緩急即須派隊策應毛昶熙務須親赴歸陳將該處地方團練認真整頓若任令該逆竄入豫疆定惟張之萬毛昶熙是問潼關協副將黃鳴鏗前在署壽春鎮任內固守壽州與苗練爲仇苗沛霖入壽城時將該員執去割耳薙髮凌虐備至曾經諭令勝保查辦嗣據勝保奏黃鳴鏗並未被害亦未言其見在何處該副將向來打仗頗能得力且與苗練向爲仇敵必能不避艱險力圖滅賊著僧格林沁唐訓方確切查明黃鳴鏗是否被害見在何處據實奏聞候旨簡用如實已爲苗沛霖所殺亦當查明具奏 賜卹以作忠義之氣張之萬等摺著鈔給僧格林沁唐訓方閱看又片奏請將袁保恆調營差遣等語著照所請即飭該員統率舊部赴營助剿如陳州一帶有著卽令該員在本籍督團堵禦以資得力該撫卽酌量調度將此由六百里各諭令知之○曾國藩奏近日軍情金陵雨花臺一軍撥彭毓橘北援後兵力稍單守局尚穩金柱關蕪湖甯國等處距賊漸遠防務大鬆徽州三

面皆賊。僅雷唐義訓一軍防守微休兩城十分單薄。幸賴左宗棠派劉典王沐各營在長林梅嶺嚴寺草市等處。晏次苦戰獲勝。沈葆楨所派王文瑞亦於漁亭七里橋等處連戰皆捷。微休祁門各城或可無虞。然賊思假道微境內犯江西。其謀未嘗一日息也。其嶺外石埭太平等處又有古賴劉藍各股與嶺內夥祁北面之賊接連一片縱橫蹂躪。飭朱品隆由青陽進攻石埭。冀擊動徽賊之後路。三月二十二日大戰獲勝。仍以賊多兵寡未敢輕離青陽之本防。深入石埭之重地。鮑超渡河北援之師三月十六日始抵無為州。正欲進剿石埭。十七日蕭慶衍彭毓橘會合水師由黃落河進兵並約被圍之毛有銘劉連捷等由內擊出。大破賊壘。賊卡立解。石埭之圍鮑超聞重圍已解登舟仍回上游。欲再躋赴援江西之約。聞賊大股並未退回巢縣。悉銳上竄直撲廬江。乃飛檄鮑超急登北岸往援。忠逆於十九日攻撲廬江縣城。守將梁美材等登陣堅守。伺隙出擊。擒斬甚眾。賊由界河逃遁而北。分竄舒城桐城一帶。其由鄂東竄之捻逆在斬水分兩股一竄黃州一竄皖境。十八日攻宿松旋越太湖潛山撲桐城。遂入孔城鎮與廬江髮逆聯成一片。據接獲忠逆偽文將由舒城六安上竄英霍麻林宋埠一出黃州一出漢口擾犯湖北意欲擊我南岸之兵以援北掣我下游之兵以援上。無非圖解金陵之圍。臣以該逆規畫甚大。蓄謀甚狡。湖北為數省樞紐不可稍有疏失。飛咨官文嚴樹森調成大吉回駐灤口撥水師速赴武漢。聞李續宜於三月初十日自湘啟程擬俟其道出鄂疆即咨令暫駐黃州會籌鄂皖大局。當此南北咬緊苗練復大露叛迹惟有利量緩急相機調派以維大局。上諭逆賊欲解金陵之圍分黨由徽甯窺伺江西由和含一帶圖犯湖北。疊經官文嚴樹森左宗棠沈葆楨等奏聞。江省饒信兩防守備尙嚴。與左宗棠派往皖南之劉典等軍聲勢聯絡賊不得逞而逆謀竄江之意迄未少息。和含一帶賊眾游弋已久勢必欲越皖境上犯鄂疆。又有由豫竄鄂之捻股可分黨下竄以應之。茲據曾國藩奏集縣大股竄撲廬江由界河分竄桐舒其由鄂東竄捻股已自斬水分為兩股一股回竄黃州一股竄皖攻撲宿松越潛大以撲桐城廬江桐城守將雖均能嚴備出擊各有斬擒而桐舒捻逆勢已聯成一片並接獲忠逆偽文有將由舒六而竄英霍分道擾犯鄂境等情。誠如曾國藩所奏逆謀甚狡而規畫甚大總欲圖解金陵之圍此時曾國藩兩花臺之軍自不得輒自移動。墮賊詭謀湖北為數省樞紐誠不可以稍有疏失。前諭官文嚴樹森飭令舒保成大吉等軍將捻股痛加遏剿豫截豫捻與皖省逆匪勾結之路嚴樹森已出駐團風親督各軍分投布置當不至任賊竄入肆其猖獗。著即迅籌堵剿李續宜已自相啟行道出鄂疆自可與嚴樹森面為商酌。鄂兩省堵剿機宜惟苗練叛迹復著已據正陽關攻壽州李續宜亟應趕緊赴皖迅圖剿辦。唐訓方資望稍淺且恐未能面面兼顧所請飭令宿格林沁回軍剿苗雖已諭令該大臣酌量進

止而僧格林沁見在圍攻淄川踞賊東省羣匪方資鎮壓即直隸邊界之賊甫經劉長佑擊剿渡河回竄直東接壤防剿甚嚴北路情形均望僧格林沁之軍掃蕩其能否回軍皖省尙未可知李續宜到鄂與嚴樹森商定一切著即仍遵歷次諭旨兼程赴皖石埠橋雖已解圍巢含大股賊氛正肆咆哮之軍仍應在北岸相機擊剿當此羣醜蓄謀紛竄皖鄂曾國藩所督各路之軍幾有應接不暇之勢該大臣素能鎮定惟當毅力精心以圖萬全浙滬兩軍事機尙順節據左宗棠李鴻章各奏進攻富陽及崑山均可得手著該督撫即嚴督各軍迅速進取左宗棠以杭城不難即克而難於杜賊紛竄是以不急旦夕之效固屬老謀此時賊既分投北岸及長江上游圖解金陵之圍浙滬兩軍如能一克富陽以取杭州一克崑山以取蘇郡則金陵之賊腹背受敵或即可收擒穴擒渠之效諒該大臣督撫等必能因時審勢以赴事機也將此由六百里各諭令知之○諭多隆阿奏攻破龐谷莊等處回巢並雷正綰攻剿永樂店情形各摺片逆匪於龐谷莊沙窩雷化喬千等處挑挖長濠綿亘三十餘里並於東北西三面設立重濠木城拒守甚堅經多隆阿督率諸軍移營進逼搶上沙包先將雷化鎮攻克破其長濠並將龐谷莊喬千兩處續行攻拔卽於長濠內築營八座以防逆匪復行來占辦理尙爲得手該大臣病尙未愈卽親往前敵力卽攻克賊巢數處實屬奮勇著卽乘此聲威將孝義鎮速行攻破以期直搗倉頭埭除逆黨毋稍遷延雷正綰進攻永樂店老巢未能得手僅殲斃賊匪數十名該匪分股在涇陽純化三原耀州等屬地方盤踞滋擾莫斷官軍糧道必須分軍四出力行埽蕩以靖逆氛著雷正綰督率兵勇實力剿除毋得株守一隅致成坐困將此由六百里各諭令知之○以安徽治理需人命吏部本科多掣知縣十六員分發差委○飭山西撥抵河南協甘餉銀○予江南陣亡遊擊美國國陝西陣亡參將何成江祭葬世職○辛巳追予浙江殉難學政刑部右侍郎張錫庚祭葬世職如尙書例入祀昭忠祠○以浙江錢塘知縣袁忠清從賊命嚴訊正法○壬午諭議政王軍機大臣等劉長佑奏匪眾東渡剿河又圖北竄督兵防剿一摺河東股匪被直隸官兵追剿窮蹙不敢遁回莘冠等處老巢由東昌府七集村偷渡剿河擾及茌平地方復竄至高唐州迤北之朱家莊一帶該逆避兵而行是其慣技此次因恩縣德州等處防守空虛徑欲乘隙北竄該督已檄調李同文督率該管地方官厚集團練扼要堵截並飭熱河古北口官兵一千名馳赴景州匪眾若一路北竄該處正當其衝卽著嚴飭該道員嚴扼運河西面賊至迎頭截擊以遏竄越儻有疏縱情事卽惟該道員是問恆齡蘇克金業已渡河卽著催令繞出賊前會同譚廷襄派出各軍實力兜剿徐廷楷余承恩等亦著飭令各率所部折回東北規賊所向悉力截擊務須四路兜擒杜其回竄莘冠等處伏莽尙多河防仍關緊要著飭王榕吉嚴密扼堵毋稍疏懈劉長佑奏閩敬銘函致該督三月十三日

由晉省啟行計程當在景德之交而張錫珠股匪見由東昌偷渡剡河在茌平楚掠距德州景州不遠德州民團陳冠甲據劉長佑奏稱聞其志切同仇最爲齊整即著閻敬銘就近訪問如實在可用卽行飭調迎剿以資得力正在寄諭聞據閻敬銘奏行抵阜城探悉東南兩路見皆不通設法繞路前進各摺片著卽探明路徑馳赴軍營接印任事僧格林沁見派施紹恆帶勇赴皖剿辦苗練該大臣尙在淄川攻剿踞匪能否卽赴蒙毫著俟閻敬銘抵任後與該大臣妥籌會商斟酌辦理將此由六百里各諭令知之○僧格林沁國瑞奏查淄川逆匪於三月二十五日傍晚趁我軍收隊時擁眾撲出經翼長舒邁額等奮力回擊計斃馬步悍賊二百餘名詎該逆於夜間復潛行出城攻撲青州滿兵營盤協領恆祥等督兵固守擊斃匪眾百餘名賊始退去二十六日_臣等移紮距城九里之張家坡二十七日調到礮位連日督隊進攻一面挑挖環濠該逆每日出撲皆被馬步官兵擊回惟據投誠之人供稱見在擒匪李輩兒張守義等恐環濠已成難以出竄欲乘未經合圍之時衝出逃遁因每夜派馬隊前往近城一帶哨探四月初二日夜間據守備桂錫稟報該逆馬步突出南門向東南奔竄並據搜擒匪供稱擒匪受傷不能行走畱於城內者約三四百名其餘全行逃竄劉德培所帶黨眾仍在城內盤踞未動等語當飭翼長舒邁額已革副都統德楞額等帶領馬隊一千數百名跟蹤追剿_臣等僅畱吉林馬隊三百餘名仍督飭各營挑濠安營以期及早蒞事其直隸股匪疊據提督恆齡稟報自到直東數獲勝仗敗殘餘匪見已南竄剿辦尙稱得力其東昌地面冠館莘堂等屬已無股匪見在譚廷襄已到淄川督催所派兵勇會同_臣等商酌攻剿事宜此時直隸已無大股之賊其竄過河南餘匪見有恆齡成保馬隊追剿又有蘇克金一軍由衛輝探蹤前進與督_臣劉長佑會於尖莊兵力足敷剿辦_臣等俟淄川克復卽當移軍進剿鄒縣之白蓮池教匪該逆盤踞山中地面寬廣必須厚集兵力屆時東昌一帶賊匪無多擬仍畱恆齡馬隊與成保之軍會合接捕蘇克金一軍卽調赴鄒縣助剿至唐訓方所奏苗練叛逆復著恭奉諭旨飭_臣僧格林沁通籌熟計設法援應查苗沛霖心懷叵測原在意中本擬俟剿滅各股擒匪後以兵力制之奈因直東股匪鳴張不能不暫示羈縻先顧北路茲該逆叛迹昭著若督兵馳回恐直東匪眾聞風思逞餘餒復張見據馬新貽等稟報苗沛霖業已先後占踞賴上懷遠鳳臺三縣又復帶領黨眾近偪蒙城情形喫緊請兵往剿等語見在直東軍務未靖難以撥兵南下再四籌畫已飭都司施紹恆帶領投誠勇一千名由鄒縣速赴蒙城交馬新貽差遣以資進剿上諭淄川踞匪與擒逆句合後經僧格林沁督軍攻剿擒逆乘隙南竄逆首劉德培之勢已孤而官軍所調礮位已到諒可指日攻拔南竄擒匪見竄何處舒邁額等督軍追剿已否追及著僧格林沁將淄川踞匪迅速攻克並嚴飭舒邁額等將竄匪趕緊追剿毋任遠竄

以致重煩兵力直南股匪見雖回竄河東而東昌各屬伏莽尚多譚廷襄止知敷衍目前遽謂已無股匪殊不可信且該匪因劉長佑馳赴臨清即折由杜平等處北竄著卽飭蘇克金恆齡等會同直隸官軍繞前夾擊以期殲除淨盡現在閭敬銘將次抵東臬司丁寶楨由楚募勇千名赴任已催令迅速前進該署撫等雖情形未能熟悉而素來辦事尙稱結實著該大臣於閭敬銘到東後或令前赴東昌按捕餘匪令丁寶楨赴鄒縣統帶官軍勦辦該大臣仍遵前旨馳赴蒙亳勦辦苗逆卽著豫籌辦理本日據袁甲三奏苗逆非占踞長淮以專鹽米之利恐上據壽正下據臨鳳北窺徐州西窺陳汝莫若乘此初起飭令僧格林沁回軍直搗懷蒙爲扼吭拊背之勢等語該大臣甫由皖回東已屬勞瘁而觸熱南征尤塵於懷第恐逆練之羽翼一成爲患滋大事情所值深慮皖省兵力不能迅速奏功仍著該大臣酌量緩急妥籌辦理都司施紹恆所帶投誠勇一千名諒已起程卽著迅催前進施紹恆卽作爲該大臣前隊解散苗練營從告示及擒獻苗沛霖賞格該大臣卽可迅速刊刻交其帶往張貼庶良團之心有所恃不爲苗沛霖所脅更可冀有人割取其首級以獻一如前此辦理李城等故事該大臣聲威素著人望所屬儻能設計除之亦可不煩兵力所請派員督辦直東豫交界軍務一摺不爲無見著暫行畱中備覽以便妥議施行將此由六百里諭令知之○諭前因苗沛霖叛逆復著疊諭僧格林沁回軍勦辦並諭張之萬唐訓方派兵分勦茲據袁甲三奏稱苗練復叛請飭僧格林沁等進勦等語自係未悉見在辦理情形苗沛霖蓄志叛逆已非一日而從前調援京師調赴陝西均不肯往本係自守之賊未肯遽離巢穴第恐蒙穎等處爲所占踞則西窺陳汝亦在意計之中惟僧格林沁因東匪牽掣尙難統軍南征本日奏稱派都司施紹恆管帶投誠勇一千名前往交馬新貽差遣尙恐未能得力張之萬已撥兵前赴太和歸德一帶是否足資堵截而陳州爲太和後路袁甲三見雖告病回籍著卽會商該處紳耆激勵團練昨諭毛昶熙如探有警信卽行馳赴陳州諒袁甲三等以本地紳士必能稍收成效俟毛昶熙赴陳更可會同妥籌辦理袁保恆已准張之萬調赴軍營如陳州團練分辦無人袁保恆卽著毋庸前赴汝甯軍營唐訓方身權撫篆於苗逆一事責無旁貸僧格林沁卽能返旆南征亦恐尙需時日著恪遵前旨相機辦理毋得專待援師致誤事機袁甲三所奏分遣游兵一西巡光固以斷淮南上犯之路一東巡歸德以斷永夏西趨之路自係扼要之策並據稱以勦辦汝匪專委毛昶熙而張之萬親赴東北一帶適中駐紮以便調度各等語著張之萬毛昶熙酌量情形豫行籌辦其駐穎之蔣凝學一軍並著唐訓方妥籌調度以資攻剿將此由六百里各諭令知之○諭官文嚴樹森奏官軍勦辦捻逆情形及抽派郎中李雲麟率師援陝各一摺捻逆竄擾鄂境經嚴樹森馳紮團鳳鎮調派各軍分路擊剿先後在望花東界嶺及游河窩寨子

灣等處獲勝頗有斬擒而該逆東奔西突總未大受懲創昨據曾國藩奏鄂東捻匪於斬水分爲兩股一股回竄黃州一股
竄入桐舒與髮逆聯合該逆黨與雖眾業已分股下竄其在鄂境游弋者勢饒諒已稍衰亟應乘勢剿滅著該大臣等嚴飭
各營將弁併力兜剿務將此股竄匪就地殲除毋得觀望遷延致千重咎陝南郡縣匪徒麇聚若不迅圖剿滅下獨西安省
垣可慮卽川楚邊陲亦無安謐之日官文等見飭李雲麟率所部三千餘人由鄖陽渡漢而南著卽飭令該員剋期進剿漢
中待援孔亟毋得駐守與安城內致誤事機前因漢南軍情緊急節經諭令駱秉章檄調周達武督軍援剿覓在賊氛甚熾
恐非李雲麟一軍所能殄滅駱秉章自當力顧大局仍遵前旨速飭周達武星夜馳援與李雲麟兩路夾攻俾收聚殲之效
如周達武一時不能赴陝卽著藩司劉蓉出省督率勁旅踰劍閣而北與鄂軍會合攻擊之處由該督酌量迅速辦理李雲
麟師至漢中去楚較遠所有該營軍餉等項並著駱秉章隨時協濟就近由夔關稅課項下撥給俾免飢潰仍著官文嚴樹
森飭屬設法轉輸源源接濟毋得以道遠難至爲辭稍涉推諉將此由六百里各諭令知之○諭多隆阿奏官軍攻破孝義
回巢大獲全勝一招陝省東路回巢林立經多隆阿督軍剿辦連破龐谷莊等處堅巢此次迎剿西路援匪大獲全勝乘勢
攻拔孝義鎮並平毀附近小村七八處軍威大振破竹之勢已成倉頭老巢拒守雖嚴想不難指顧殲蕩該大臣自入陝後
所向克捷調度有方倉頭之克計在旦夕尤當愼益加愼不可屢勝而驕西路援賊經此鉅創其膽已寒一俟東路肅清卽
可鼓行而西節節剿洗想該大臣必能斟酌辦理也將此由五百里諭令知之○諭晏端書等奏高州一帶軍務及剿辦廣
海峇匪情形一摺高州軍興日久卓興方耀兩軍苦戰數年迄無成效廣西容縣逆匪范亞音一股又與該逆互相勾結若
再遷延疲玩必致勢成蔓延愈難撲滅前已有旨令崑壽前往督辦卽著該提督統率卓興等審度機宜實力剿辦並將所
部各營裁汰老弱簡練精銳以期壁壘一新迅速肅事其陽江一帶匪蹤出沒無常並著嚴飭遊擊賴建猷等認真防範斷
其紛竄之路總之以本省之兵辦本省之賊果能信實必罰寬備餉需無不可速了之理正不得專待客兵也江忠義雖由
湖南拔隊前赴廣西而皖南髮逆猖獗亦待此軍防剿晏端書等鼓勵各營兵勇乘銳進攻不得專待援軍致滋貽誤至廣
海峇匪踞城拒守甘心叛逆實屬罪不容誅吳昌壽等見擬添營進紮先破近城伏匪然後設法圍攻如果該匪悔罪自投
仍行分別辦理所籌尙妥惟匪勢已成非創以兵威豈能革心革面晏端書等務當督飭吳昌壽等盡力剿辦不可稍存將
就了事之見致誤後患海廷琛添募之勇已否成軍該員前經調赴直隸如剿辦廣海匪徒必須該員前往協助卽著據實
奏聞將此由五百里各諭令知之○予山東陣亡頭等侍衛卓明阿等祭葬世職○以吳廷棟爲刑部右侍郎

○奏

未諭內閣前因浙江省金嚴甯紹台等府地方均爲賊踞百姓慘遭荼毒曾經降旨將浙東新復各府州縣均蠲免二年錢漕以蘇民困嗣因衢州一城雖未失陷而西安縣各鄉亦俱被匪焚掠復降旨將該縣錢漕照新復州縣一體蠲免茲據左宗棠奏稱同治元年分錢漕業於咸豐十一年多開奉旨豁免所有前奉恩旨請飭遵行等語浙江被陷地方同治元年分錢漕既已有旨豁免即著將同治二年分應徵錢漕一體豁免並著於原降諭旨二年上添註同治二字以示區別而免牽混該撫其迅即頒發騰黃偏行曉諭○諭多隆阿奏官軍攻破倉頭老巢東路同朝一律肅清一摺陝西逆回竄踞同朝一帶以倉頭鎮爲老巢多隆阿自攻破王閭村羌白鎮並龍谷莊雷化鎮喬千孝義鎮等處巢穴賊勢日蹙踴伏倉頭鎮土城內負隅抗拒四月初一初二等日多隆阿督軍移營進佔倉頭賊穴揮隊縱擊城內賊眾大亂我軍奮勇登城遇賊即殺餘匪奪路狂奔復經官軍馬隊追殺二十餘里撿斬甚夥其投渭河溺斃者不計其數當將倉頭鎮攻克東路同朝一律肅清辦理甚屬得手仍著多隆阿督飭將士將敗逃餘匪悉數殲除毋畱餘孽○諭議政王軍機大臣等前因江皖軍情緊要屢命江忠義赴粵之師東行赴皖茲據江忠義奏該營已次第啟行前赴粵西旋接奉赴皖之命見已檄調頭隊五營旋楚一面咨商毛鴻賓籌給餉項即行就道惟廣東高州賊勢甚熾屢接晏端書函催望援甚切粵東爲完善之區餉源所出亦當力籌保全各等語見在援皖之師既有席寶田周寬世新募各軍諒已可資分布而廣東陳金缸一股蔓延日久若與潯郡各匪句結一氣必爲兩粵巨患江忠義所部頭隊五營此時計已前抵桂林若再檄調回楚不特爲期迂緩無補皖事之急且以得力勁旅僕僕道途亦屬非計江忠義著毋庸赴皖即日率領各營前赴粵省酌量賊勢輕重先其所急相機剿辦其軍行口糧並著毛鴻賓迅速籌款接濟毋令缺乏致滯師期至席寶田一軍見在行抵何處並著曾國藩毛鴻賓催令刻日通行應由何路進取規賊所向實力迎剿之處著曾國藩相機調遣湖南見在四境無警其駐守省垣之趙煥聯一軍及總兵王永章等臬司陳士杰知府戈鑑所部各營何員可以調令援皖著曾國藩與毛鴻賓隨時咨商迅速辦理毋誤事機將此由六百里各諭令知之○左宗棠奏富陽踞逆經水師副將楊政謨等擊敗後伏匿城中於西門安設大礮援賊復在城東北之新橋屯踞藉益澧由南岸渡江飭高連陞等軍進駐新橋偪之築壘未竟援賊分股來撲官軍開礮轟斃數十人賊即退回據生擒賊供僞天將謝范偽朝將汪逆飭主將汪逆於杭嘉等處挑選悍黨四萬餘已至新橋左右僞聽王擁眾續至以圖抗拒溫處道魏喻義會同總兵劉清亮偪圍富陽縣城二十四日蔣益澧移紮新橋飭高連陞等分兩路齊進該逆先撲左路熊建益大呼陷陣王聯芳等由田隴橫截而出賊甫敗走後隊之賊又進熊建益等奮力衝殺賊始奔並雨風悍

賊四五百名當左路酣戰之時賊分兩大支撲犯中右兩路蔣益澧令徐文秀等偃旗設伏飭周廷瑞等佯敗誘之賊至復發斬賊無數賊遂併歸右路高連陞揮軍迎敵斃騎馬賊目數名大旗悍賊數十名賊眾敗走官軍乘勢猛追賊復分股鈔襲王宗元衝入賊中手刃數賊中槍陣亡張志公亦身被數創正相持間蔣益澧率親兵馳至高連陞等復挺矛回鬪立斃悍賊百餘名賊始大潰官軍齊隊跟追被戮者不下六百餘名其富陽城中踞逆見官軍進剿援賊突出二千餘人徑撲西門營壘曹魁甲等從旁鈔殺斃賊數十名賊敗過石橋副將楊政謨等率戰船排礮轟之又斃賊無算查此股援賊均係首逆李秀城之黨勢頗兇悍經蔣益澧等此次痛擊逆餒稍衰惟地方遼濶又值陰雨兼旬難以速剿當飭諸軍相機圖之至富陽以下潮汐甚大三板不能壓潮見製長龍戰船並調甯波水師布與有等艇船及甯紹台道史致諤雇募白鼈殼船十二號駛進錢塘江助剿其新城縣城已飭遊擊賴錫光等帶營駐守桐廬縣城以知縣楊鼎勳帶營駐守以通節運而壯後路力戰陣亡之守備王宗元應請旨交部從優照遊擊例議卹又奏臬司劉典一軍調回嚴州後臣即飭其馳赴皖南行抵長溪適接徽防總兵唐義訓等函稱賊已逼近徽城由巖寺街上至萬安街北至許村南至東關賊蹤密布並據生擒賊供僞金王鍾逆僞東平王何逆及僞梁王等踞潛口僞主將賴逆嚴嚴寺街僞襄王劉官方及僞哮王王濂王等踞長林萬安街等處眾約十餘萬劉典以賊未知我軍突至利在速攻即日分營進紮梅林以防賊由休甯南路繞竄並約唐義訓王沐剋期會剿次日飭黃少春攻長林劉典率中營從萬安街按剿而下賊覩浙軍驟至即大潰退追過河西始結陣回拒另股由山谷中竄出鈔我後路劉典一面分軍截剿一面率親兵從中橫擊賊敗向山路蹂躪而遁時黃少春等由右路進攻巖寺街已奪據山梁適王沐馳至併力夾擊約計斃賊近萬生擒三百餘名餘逆遁往徽州北路之許村營嶺以至藍田一帶而僞金王濂王糾合僞天將鍾王等逆復進踞潛口劉典移營進紮適昏霧四塞大雨如注急令收隊而前隊已至長林猝不及收該逆分三路來撲劉典馳往策應始將隊伍收回是役僅殺賊百餘名而參將張顯榮等均已深入力戰陣亡三月初一日僞金王鍾逆率黨來撲梅林中路官軍疾起擊之左右兩路由山谷鈔出賊大敗狂奔斃賊數百名初五日鍾逆賴逆又來撲營劉典飭左右兩路乘之追殺十餘里陣斬悍賊數百名初七日黃少春等由東關出潛口之右劉典由長林出潛口之左賊見官軍隔岸遙放槍礮劉典揮軍猛擊賊即狂竄追過潛口十餘里斬賊數百名生擒數十名見往太平縣縣城去劉典已飛飭黃少春等馳赴漁亭與王文瑞等會剿其駐防祁門之道員王文瑞等會同劉典各軍擊敗逆首劉官方等疊勝於漁亭祁門之間臣維各股逆賊麇聚於徽休祁門一帶原圖由此越竄江西見在敗賊多趨黟縣劉典一軍必殲除

此股乃無後顧之虞頃據探報甯國有另股賊匪續竄績溪其甯國旌德太平石埭等縣仍爲賊踞劉典擊敗之賊又竄入池州屬之建德縣逆氛漸趨江西景德鎮之防殊爲喫緊臣前飭王德榜一軍由自沙關速回浮景冀可稍遏奔竄惟賊數太多浙軍未免爲所牽綴前此劉典赴徽時臣屬其無分江皖相機援剿如果皖事漸緩浙軍可數分撥自當星馳入江共圖殲蕩斷不敢稍事遲延所有陣亡之參將張顯榮守備左萬明金友成懇請飭部從優議卹沈葆楨奏據道員王文瑞稟稱三月初五日探聞竄踞建德之僞堵王黃汶金等潛勾石太賴古各逆合攻祁門該道以西路空虛將滄亭兩營調回繼果營王沐亦抽隊來助該逆由桃樹嶺過新安嶺次日有騎馬賊數千冒雨衝至西城根自大白鋪等處至離城十里許偏地賊蹤躡躡五六萬該道傳令是夜五更出隊張左右翼分路而進至七里橋遇賊丁長勝開礮立斃悍賊十餘人賊猶恃眾衝撲丁長勝直搗中堅熊常富從旁鈔殺賊乃逃竄追近小路口賊大隊回撲弁勇奮力衝殺殲賊千餘賊困而死鬪者十餘次喻勝榮匹馬當先左手受矛傷馬前足亦被所斷猶力戰不退百長彭友年身被十餘創血戰而死丁長勝等鼓譟直前適左右兩路橫鈔而至圍而殲之免脫無幾其賊匿山林者亦經鄉團接殺甚夥共計生擒八百六十五名此次各將士以少擊眾疊獲奇捷洵足屏蔽江右厥功甚偉其出力及陣亡員弁應由左宗棠查明辦理又奏僞時王胡鼎汶等由龍船渡率馬步數千徑犯梅源橋團長程發達等豫伏橋左殺斃百餘名韓進春派隊至陳家嶺遇賊千餘殺斃數十名次日復出隊前進遇時逆帶賊數千鏖戰兩時殲其前鋒數十峰逆騎馬先遁羣賊遂潰悍賊數萬揚聲撲營前隊及灣里周村一帶韓進春分三路迎敵殺賊甚多後隊援賊踵至併力死鬪我軍少卻韓進春督兵突陣手刃騎賊五名賊遂大敗該逆經此大創不敢再窺饒郡由洋塘潛出高沙坂一帶漸有束趨之勢王德榜已將浮梁城守事宜安置妥貼建德後河尚有僞愛王一股跟蹤而上其勢寡弱不過數千彭澤都昌鄱陽各團尙能互相聯絡臣惟有嚴飭各軍相機堵剿上諭首逆李秀城之黨自杭嘉糾合醜類援救富陽經藩司蔣益澧等痛加剿洗兇餘稍衰左宗棠見在添造長龍戰船並檄調甯波水師駛進錢塘江助剿著卽嚴飭水陸各軍合力進剿迅拔堅城務將此股悍賊悉數殲除勿畱餘孽其竄擾徽休之賊節經臬司劉典督率兵勇先後在嚴寺街潛口等處迎擊退竄太平黟縣其圖竄祁門之賊亦經道員王文瑞督率丁長勝等以少擊眾疊獲奇捷徽防可期穩固惟各股逆賊麀聚休祁一帶原圖竄趨江西見雖擊退而績溪旌德太平石埭等縣尙爲賊踞敗賊復竄回建德饒郡之防殊爲喫緊韓進春率勇在陳家嶺灣里周村一帶奮勇攻剿賊由洋塘山路東趨尙有僞愛王一股由建德後河跟蹤而上彭都各縣鄉團雖尙能聯絡而賊數太多必須厚集兵力可以掃蕩羣兇著沈葆楨